

海陽縣志卷二十二

建置略六

橋梁 附津渡

在城都諸橋

太平橋在大街自上水門引韓江水厯橋而西繞縣治今左右

皆列肆內有舊石刻太平橋三字尚存 張志參 采訪冊

去思橋在城西北隅宋嘉定間趙謐建以謐有惠政故名

南濠橋在第三街北 俱張志

九板橋在城西舊有渠以石九板跨其上故名今存遺址 采訪冊

橫鶴橋在金山上今廢 詳輿地略山類

海陽縣志

卷二十二 建置略六

一

湖頭橋在城西一名石人橋一名潮頭橋又名四人橋 周志

七星橋在金山西南麓萬壽庵前康熙間潮鎮中軍遊擊陳旺

建舊有池橋跨池而南今涸 采訪冊

東廂都諸橋

廣濟橋在城東跨韓江上廣二丈長一百八十丈舊名濟川橋

西岸橋墩創於宋乾道間知軍州事曾汪朱江丁允元孫叔謹

通判王正公先後增築東岸橋墩創於宋紹熙間知軍州事沈

宗禹陳宏規林嶸林會先後增築久之圯壞 楊鍾岳重建廣濟橋碑記略嘗在三

山閱閩志有昌黎驅鯉成廣濟之句傳者訛也唐元和十四年昌黎韓公刺潮八月即去袁州成廣濟則末違也特功德在潮

尸祝於橋之東維彼江山及所樹木以公姓得名思韓深哉厥後附會一橋從而呼湘子焉皆傳者訛也然則廣濟何昉乎昉

於宋也考舊志初名濟川其源自北建瓴而下匯汀漳贛三郡
巨流縱橫湍駛以入於海形家言洩而不蓄宜有飛梁爲縮帶
庶足障迴波砥狂瀾也況地據閩浙百粵往來之衝當春夏泛
漲湍泱瀟湃飛濤怒沫不可嚮邇行旅載道軒輶絡繹鵠立待
濟者顧東西兩岸瀾漫如隔千里一不奏功而漂沈陷溺不知
所之爲此方鉅患宋州守曾沈諸公乃於東洲西洲分營焉始
基之
矣
明宣德中知府王源參石重修
西岸十墩九洞計長四十
九丈五尺東岸一十三墩
十二洞計長八十六丈八尺中空二
十七丈三尺造舟二十有四爲浮梁
姚友直重修廣濟
城水曰惡溪舊有修橋參石爲墩二十三深者高五六丈低者
四五尺中流驚湍尤深不可爲墩設舟二十有四爲浮梁
楫鐵絙三連互以渡往來名曰濟川考之圖經肇建或經二三
守須數歲始成一墩更數守歷數十餘歲橋始成其途通閩浙
達二京實爲南北要衝其流急如馬騁而洶湧觸之者木石俱
往水落沙湧一葦可渡水漲沙逸數里曠隔雖設濟舟日不能
三四渡咫尺之居若千里士女不得渡有日夜野宿以伺其便
軍民病涉莫此爲甚自宋至是因循不能修復者殆百餘歲凡
登途而望者莫不痛恨以爲終古苦涉斯橋不可復作矣宣德
乙卯冬韋庵王公洩任後百廢皆作渡溪拜昌黎顧橋遺址詢

海陽縣志

卷二十一

建置略六

一一

諸僚吏毅然興作新之懷於時慎簡官屬若海陽令李衡等贊
其計選耆民董工許懋等出納貲費於以購木石募工傭凡墩
之類毀者用堅礮以補之石梁中斷者仍設以浮舫繫以鐵纜立
以更之中流狂瀾觸嚙不能爲梁者仍設以浮舫繫以鐵纜立
亭屋百二十六間屋之下梁之上鑊以厚板環以闌檻堅緻倍
蕤於舊不期月告成更名其橋曰廣濟取濟百粵之民其功甚
大也又間聯屋作高樓一十有二由橋西亭而東行樓之一西
曰奇觀東曰廣濟樓之二西曰凌霄東曰登瀛樓之三西曰得
月東曰朝仙樓之四西曰乘駟東曰飛躍樓之五西曰涉川東
曰右通是爲西磯頭西厓抵磯凡樓屋計五十間磯疊級二十
有四按二十四氣過浮梁者下級由浮梁東行至窮處曰東磯
頭亦疊級二十四有四爲樓之六西曰左達東曰濟川上級越樓
由亭西而東行爲樓之七西曰雲衢東曰冰壺樓之八西曰小
蓬萊東曰鳳麟洲樓之九西曰摘星東曰凌波樓之十西曰飛
虹東曰觀濫樓之十一西曰浥翠東曰澄鑑樓之十二西曰昇
仙東曰仰韓閣樓之上重檐又曰廣濟橋東厓至磯凡樓屋七
十有六間橋之窮矣仰韓閣之東有祠曰
甯波塑甯波神以安水怒祠之後曰碑亭

同知車份重修正德中知府鄭良佐譚倫相繼修嘉靖間知府

宏治中復圯於大水

邱其仁立東西二亭南北增石闌歲僉橋夫四十名渡夫十名以司典守萬厯閒巡按御史蔡夢悅修之

國朝順治二年七年燬於海寇總兵蔡元修之十年復燬於叛鎮郝尚久總兵蔡元又修之十一年知府黃廷猷康熙十年提學遲煊知府宋徵璧各重修十六年八月西岸墩圯其一知府林

杭學重修

曾華蓋重修廣濟橋記略潮之東鄙密邇閩漳韓江一綫實為之隄其閒旌輶往來商旅輻輳咸獲安驅

戾止以免於褻裳濡足之患則惟湘子橋是賴自經寇焚兵躪橋之梁壞石廢行人惴惴以隕隋為懼刺史果庵林公下車以來更其腐材理其頹石聯編舟於中流倚雕闌於南北騶輿聲喧行旅踵接恍乎若長虹之蜿蜒跨清波而利涉者在此修至於量費庀材擇人董役一木一石皆出諸俸入之餘不至累吾民跡踵舊而增新事雖因而實創公之功績更僕難數此特見其一斑耳是

二十四年總督吳興祚捐萬金重修自撰碑文

吳興

海陽縣志

卷二十一

建置略六

二二

祚重修廣濟橋碑自記潮州為全粵東境閩越豫章經涂接壤城東之水曰韓江合汀贛九河之流匯鱷溪憑於廣濟門水脈壯盛不可濟宋州守曾汪作濟川橋袤廣二丈長為丈一百八十有奇中流急湍深莫能測即梁東西盡處立磯磯各納級二府王源伐石建址架木為梁更名廣濟言濟百粵之民云宏治大水梁壞知府譚倫易以石萬厯閒御史蔡夢悅重修崇禎末燬於寇蔡元重捐葺之歲春水至巨浸汪洋民病焉今上二十一年予以福建巡撫奉簡命總督廣東西等處地方明年巡視海濱遵碣石衛而西至潮臨鱷溪登郡城望廣濟橋狂瀾洶湧輿梁傾仄軍民苦涉顧視有司心焉慨歎自維建國經野王制所重順民察地予之職也退而捐俸檄知府林杭學主所出納以署遊擊程士鰲壓者起之側者正之彌縫甌窳麗闌楯揆度基址鞏固礮礮壓者起之側者正之彌縫甌窳麗闌楯期年以成無奪民時無取民財無役民力經營作新用甯百姓易大畜日何天之衢釋曰畜極而通今者梯航萬國南抵扶桑北暨流沙舟車所至莫不攸往則是橋也周行如砥泉貨以通民用以利可以宣天子承天載物之治矣其辭曰浩浩韓江橫流靡甯波濤怒張吹鱷之腥維昔有梁和會底平祝融資暴阻塞下民帝御萬邦蕩蕩八紘一夫不獲是經是營猥予不

敏忝廁樞臣總制二粵機務丕承顧瞻津梁廢墮大經敢曰有司匪予之任爰捐俸精肇建維新使民共由罔懼臨深式保便利又爰烝絜敬哉黎庶慎爾攸行毋偏
五十九年水決東岸石母頗大道用遵千萬億祀地紀永貞

墩沒者二雍正二年知府張自謙倡紳士捐修其一鑄二鐵牛

列東西岸以鎮之三年 題鹽運同駐潮州與知府分管橋務

東岸屬運同掣放引鹽西屬潮州府稽查關稅其浮梁船十八

隻亦各分管 海運場鹽船隻泊東岸給配各商領運設盤查公館一所乾隆二十七年添設委員駐所辦理 六

年知府胡恂重修 胡恂記略廣濟橋自明宏治正德迄我朝興修者十數矣康熙二十四年制府吳公興

祚捐金萬餘盡易木梁而石之既而水決東洲石墩沒者二雍正二年前守張君自謙倡紳士庶僅修其一予以菲材承乏斯郡相度川源歷覽隄岸深慮夫橋墩缺一莫殺水勢下如南廂東廂登雲登隆諸隄及饒平之隆都澄海之蘇灣上中下三外歲有衝決廬舍田禾皆不能保因與同志商之適前觀察樓公清釐開元寺租可為修橋之費請於大吏報可與海陽令張

海陽縣志

卷二十一

建置略六

四

君士連殫心經畫諏吉興修郡司馬宋君桂偕太學諸生黃樞模陳大業林自菁黃繼茂耆老楊礎臣等董其役經始於雍正六年十月望後之三日越明年六月四日 道光二十二年大水工竣計費鏹一千八百二十三兩有奇

決東岸石墩圯者六損者二壞者一決西岸石墩圯者三木石

橋梁損失殆盡明年知府覺羅祿諭官紳捐款重修成西岸三

墩復造浮梁船四十二合原設浮梁十八直接東岸二十七年

嘉應鹽商邱慎猷捐千金募閩人成東岸墩一於是知府吳均

捐廉續修石墩三其餘五墩布商朱莆瑞等捐修一墩米商林

資福等捐修一墩嘉應平遠鎮平諸鹽商捐修一墩潮橋海運

鹽戶共修一墩郡紳設局勸捐共修一墩並與饒平楊鍾等次

第捐辦木梁統歸邱慎猷經理吳均去任知府劉潯捐金足之

以二十九年五月橋成同治八年大水東岸墩復圯其一總兵方耀率紳耆捐修墩成欲易木以石以墩高水深而止

周志參各碑記

采訪冊

國朝吳穎廣濟浮橋樓詩萬家連舸一溪橫深夜如聞鼙鼓鳴橋下水隨春雨長城邊沙與暮潮平方傳諸將能強戰又勸三農

早息兵遙指漁燈相照靜海氛遠去正三更

王猷湘子橋詩對郭東峯見飛虹落九蒼江聲浮海氣人語亂魚牀斷石誰堪續叢碑不可詳獨憐橋畔水空碧似三湘

謹案潮橋創建於宋代於唐無涉俗名潮橋為湘子橋其誤

沿於青瑣高議西陽雜俎神仙之說前人辨之詳矣

思古橋又名洗馬橋在筆架山後距城五里元泰定間建

張志

黃潭橋在城東順治間經歷謝天恩建

城東今無黃潭鄉黃潭疑即銀潭之訛

海陽縣志

卷二十一

建置略六

五

黃金塘橋在黃金塘鄉距城十里今廢

雙港橋即雙溪橋在榕樹子大灣裏為邑東界盡處距城二十

餘里康熙十六年邑人李奇俊募捐重建

鳳樓彌陀橋在鳳樓山麓距城十里康熙十八年李奇俊募捐

重建

俱同上

販仔埠橋在意溪內為入龜湖大路距城十五里

采訪冊

小陂橋在小陂鄉前為入河內要路距城十餘里

古庵橋在河內古庵鄉由東廂入饒平要路距城二十里

俱同上

西廂都諸橋

西弔橋在安定門外

采訪冊

西門橋在西門外今更名新橋距城一里許三利溪水由此西

轉張志參
采訪冊

人家前橋在人家前鄉計八洲距城七里采訪冊

余厝橋在楓溪鄉距城十里乾隆四十一年建同上

楓溪橋在楓溪鄉距城十里張志

吳塘橋在城西南同上西廂今無吳塘鄉橋不知何在以舊志所載存之

南廂都諸橋

南弔橋在南門前采訪冊

周公橋在南門外同上

沈侯橋在南門外宋開禧間知軍州事沈植建張志

海陽縣志

卷二十一

建置略六

六

北廂都諸橋

雲梯岡橋在雲梯岡鄉前距城三里采訪冊

象頭猪蹠橋在象頭鄉康熙二十年知府劉永重建張志

登隆都諸橋

南門橋在南門橋劉鄉邊距城二十五里采訪冊

秋溪都諸橋

平福橋即秋溪橋在秋溪水口距城二十五里張志

寨內橋在鸛塘鄉寨內距城二十里采訪冊

登雲都諸橋

廣惠橋在浮洋新埠寨門旁距城二十里橋北有亭采訪冊

十板橋在仙庭鄉與揭陽分界計三洲每洲石二板同上

歸仁都橋

長美橋在長美鄉距城十二里明嘉靖間建

國朝同治十二年重修張志參采訪冊

登榮都諸橋

七架橋一名聖濟橋在入石坑大路距城二十里橋上有塔俱

康熙年間鄉人巫學殷建采訪冊

石門橋在石坑內石門鄉前距城三十里

永濟橋在峙溪上凡六洲距城三十餘里同治三年藍其斌倡

建俱同上

海陽縣志

卷二十一 建置略六

七

大和都諸橋

官廖橋在官廖今稱白塔鄉距城十二里官廖昔屬歸仁今屬大和采訪冊

和濟橋在城西南當官道要衝距城十五里采訪冊

許厝橋在浮岡東距城十八里

駟馬橋在高車嶺下距城二十里明宏治中進士鄭亮重修並

立碑橋側俱同上

明鄭諒駟馬橋詩橋居都紐要蕩蕩勢橫河輒見人喧擁高車駟馬過

鳳塘橋在鳳塘鄉距城二十里康熙十五年陳廷用倡建張志

臨白橋在臨白鄉前距城二十三里張志參采訪冊

鶴隴橋在洋鐵嶺麓跨三利溪距城二十五里采訪冊

玉窖橋在玉窖鄉橋東邑界西爲揭陽玉窖市同上

明車份玉窖橋詩北窖通南窖前溪
接後溪暗隨潮上下分繞縣東西

萬里橋舊名李浦橋在東龍鄉前橋東邑界西爲揭陽桃都界
二橋俱距城三十里爲宋大德紹興年間鄉民翁元建

國朝同治十年大水萬里橋圯光緒六年重修張志參
採訪冊

隆津都諸橋

七板橋在鸛巢鄉尾採訪冊

行路橋在鸛巢鄉旁俱距城三十里同上

上莆都諸橋

蘇厝橋在灌洋涵南距城三十五里採訪冊

海陽縣志

卷三十一

建置略六

八

城隍橋在市頭北

神仙橋在大寨鄉前

太公橋在大寨上官路東

十板橋在上官路西南

玲頭橋在玲頭鄉俱距城四十里

浚斗門橋在金沙鄉曾厝前距城五十里俱同上

東莆都諸橋

白沙湖橋在白沙湖鄉前中離溪上採訪冊

五嘉隴橋在五嘉隴鄉西南中離溪上

南溪橋在高廈鄉西龜山麓中離溪上桑浦磨坑水至此會焉

翁厝橋在沙溪頭鄉東貞元書院前中離溪上相傳橋爲翁姓

所建俱同上

桶溪橋在桑浦山腳賈里鄉南

望跡橋俗作麻雀橋在山兜鄉西北中離溪上

賈里橋在賈里鄉面前溪

陳畔橋在仁里鄉陳畔

唐畔橋在仁里鄉唐畔

角厝橋在金石市邊俱距城三十五里俱同上

龍溪都諸橋

通濟橋在莊隴鄉前張志參采訪冊

海陽縣志

卷二十一 建置略六

九

庵頭橋在潘隴鄉前二橋俱明邑人薛侃建

黃隴橋卽品字橋在品字門外通柯隴大隄

新關橋卽內關橋在柯隴鄉前通大石鼓鄉俱同上

莊隴橋在莊隴鄉前與通濟橋相連采訪冊

新橋在柯隴分府署左通草菓寮大鑑等鄉

龜橋在庵埠燒灰溪墘打石庵左

文昌橋在龍溪書院左舊名釘鼓橋又名土尾橋

黃慶橋在溜隴通上莆南桂隆津諸都光緒七年邑紳郭廷集

籌款修

東隴橋在郭隴東與黃慶橋相連

九思橋在郭隴西嘉靖閒邑人郭世治建凡耕牛過此必遺矢
故俗又稱牛矢橋

兩頭溝橋卽涎流溝橋在龍溪塢外爲各都通衢

水吼橋在庵埠寨外與澄海交界

大崎橋在西隴鄉北門前明御史楊瑛建

小崎橋在西隴鄉北門前

仙溪橋在仙溪鄉三山廟左

開濠橋在開濠鄉通上莆南桂諸都俱距城六十里
俱同上

江東都諸橋

余厝洲橋在余厝洲鄉距城三十里
采訪冊

海陽縣志

卷二十一

建置略六

十

橫坑橋在橫坑鄉前距城三十二里乾隆閒易木梁爲石
同上

津渡

東廂都諸渡

廣濟渡在城東
采訪冊

意溪義渡在北門外光緒六年知府張聯桂因渡夫勒價多載

常致沈溺倡捐創此渡
張聯桂籌銀二千兩寄當商每年輪交以八釐起息爲義渡經費有碑不錄

東津渡在上水門外
俱同上

意溪渡在意溪距城五里
張志參采訪冊

南壑渡在涸溪距城四里

深河溪渡在深河溪大馬頭仁里廟對岸距城十里
同上

北廂都渡

西塘渡在西塘鄉前距城八里

周志參
採訪冊

大和都諸渡

獼狗獅渡在城西南

張志

林兜渡在林兜鄉前南岸林兜鄉北岸揭屬梅崗界

張志參
採訪冊

淇園渡在玉窖橋上流東岸淇園鄉西岸揭屬梅崗界

採訪冊

三角渡在玉窖橋下流東北岸玉窖鄉西南岸揭屬桃都界萬

里橋溪水與三利溪水至此合流俱距城三十里

同上

登雲都渡

雲步渡在雲步市距城十里

張志

海陽縣志

卷二十一

建置略六

十一

南桂都諸渡

鰲頭渡在鰲頭鄉距城五十里

張志

梅溪渡在梅溪距城六十里

周志

登榮都渡

湯頭渡在龜湖以溫泉得名距城三十里

張志參
採訪冊

江東都諸渡

鍾渡在柚園鄉距城七里

採訪冊

鯉魚臍渡在水頭鄉距城十里

獨樹渡 二 一為黃上渡在衙美鄉後一為黃中渡在獨樹鄉後

頭溪沿一為貫下渡在仙洲鄉俱距城二十里

急水渡在急水文祠前距城二十里

謝渡在田頭隄市前距城二十五里俱同上

蓬洞渡在蓬洞鄉前距城四十里張志

龍溪都諸渡

新溝渡在郭隴新鄉北通上莆東莆登雲登隆大和等處采訪冊

洪厝兜渡在郭隴西

楊厝渡在庵埠市内關通柯隴等鄉俱距城六十里俱同上

驛傳

海陽縣驛曰鳳城曰產溪康熙三十九年裁鳳城驛雍正四年裁產溪驛歸縣管理縣額設鋪兵七十八名乾隆五年裁三十六

海陽縣志

卷二十一

建置略六

十二

名尚存四十二名府城總鋪六名二名專司收發四名分遞東

西南北公文阮通志參賦役全書并縣冊

東路

自總鋪十里至思古鋪又十里至白雲坊鋪又十五里至平福

鋪又十五里至白石嶺鋪又二十里至黃竹洋鋪已上皆鋪兵一名又

十五里至饒平縣黃山坑鋪

南路

自總鋪十里至雲步鋪又十五里至閣洲鋪又十里至龍湖鋪

又十里至南界鋪又十里至鰲頭鋪又十里至梅溪鋪已上皆鋪兵一

名又十里至澄海上窖鋪

西路

自總鋪十五里至英塘鋪又十里至迴野鋪已上皆鋪兵一名又十里至揭陽縣鳳翥塘鋪

北路

自總鋪十里至北一鋪又十五里至北二鋪又十五里至鉢壺鋪又十里至曲灣鋪又十里至松水鋪又二十里至庵前鋪又二十里至樵溪鋪已上皆鋪兵二名又十里至豐順縣葛布鋪俱同上

墟市

鋪尾墟在東廂都鋪尾薛墳前距城三里墟期二五販牛采訪冊
吉水墟在江東都鯉魚山腳距城二十里

海陽縣志

卷二十一

建置略六

十三

湖邊墟在登隆都湖邊鄉距城二十四里墟期二五販牛

山洋墟在登榮都中約距城二十五里

登塘墟在歸仁都登塘鄉距城二十四里

田東墟在歸仁都田東鄉距城五十里

內洋墟在龍溪都郭隴村距城六十里俱同上

意溪市在東廂都意溪隄上距城十里舊作墟采訪冊

古庵市在東廂都古庵鄉旁距城二十里

溪口市在東廂都溪口鄉距城二十里

楓溪市在西廂都楓溪鄉距城十里舊作墟

雲步市在登雲都雲步隄上距城十里

浮洋市在登雲都距城二十里

鳳塘市在大和都鳳塘鄉距城二十里

玉窖市在大和都玉窖鄉距城三十里

舊作墟即大窖市

龍湖市在隆津都龍湖寨外距城三十里

烏樹鋪市在上莆都仙圃鄉即神仙橋市距城四十里

彩塘市在上莆都彩塘鄉距城四十里

舊作墟

鶴塘市在秋溪都鶴塘鄉距城二十里

石區頭市在秋溪都石區頭距城三十里

新鋪市在秋溪都蘇寨鄉隄上距城三十里

河塘市在登榮都上約河塘鄉距城二十里

海陽縣志

卷二十一

建置略六

十四

長美市在歸仁都長美鄉距城十二里

金石宮市在東莆都西林鄉前距城三十里

舊作墟

翁厝橋市在東莆都沙溪頭鄉旁距城三十餘里

庵埠市在龍溪都庵埠距城六十里

俱同上已上市

謹案商賈貨物輻輳之地古謂之務或曰集曰墟推原命名

墟者虛也聚散不常瞬息而虛也易繫辭日中為市交易而

退又史記平準書註古未有市民朝聚井汲將物於井邊貨

賣曰市井似市亦墟類然周禮冬官前朝後市張平子西京

賦又云廓開九市通闐帶闐此則後世市有定居全與墟別

矣舊志於意溪雲步楓溪浮洋金石宮大窖龍湖彩塘諸地

統稱爲墟蓋當時鄉中無所謂市也百數十年來人煙稠雜
比戶列廛非復當時景象必沿舊名轉嫌不類今統易名曰
市從其實也